



**SAMOSTALNI SINDIKAT KANTONALNIH DRŽAVNIH
SLUŽBENIKA I NAMJEŠTENIKA**

**Sindikalna organizacija Profesionalne vatrogasne brigade
Kantona Sarajevo**

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Sarajevo, 02.04.2025. godine
SIN-03/25

Primljeno:		02-04-2025	
Org. jed.	Broj	Priloga	Vrijednost
0102	-02-	1799	22

**Parlament Federacije Bosne i Hercegovine
Rukovodstvo predstavničkog doma (x4)
Kolegij Doma naroda (x7)
Ul. Hamdije Kreševljakovića br. 3
71000 Sarajevo**

**Predsjednica Federacije BiH gđa. Lidija Bradara
Potpredsjednik Federacije BiH g. Igor Stojanović
Potpredsjednik Federacije BiH g. Refik Lendo
Ul. Musala br. 9
71000 Sarajevo**

**Vlada Federacije Bosne i Hercegovine
Premijer Federacije i zamjenici premijera (x3)
Ul. Hamdije Čemerlića br. 2
71000 Sarajevo**

**PREDMET: APEL ZA SPREČAVANJE UNIŠTAVANJA VATROGASNE
DJELATNOSTI U FEDERACIJI BIH**

Poštovani,

U prilogu ovog akta Vam dostavljamo Prijedlog Zakona o izmjenama Zakona o zaštiti od požara i vatrogastvu („Službene novine Federacije BiH“, broj 64/09) po hitnom postupku, utvrđen od Vlade Federacije BiH na 50. sjednici održanoj 13.03.2025. godine

S poštovanjem.



PREDSEDNIK SO PVB KS

Mirsad Karić

Parlament Federacije Bosne i Hercegovine

Rukovodstvo predstavničkog doma (x4)

Kolegij Doma naroda (x7)

Ul. Hamdije Kreševljakovića br. 3

71000 Sarajevo

HITNO!

Predsjednica Federacije BiH gđa. Lidija Bradara

Potpredsjednik Federacije BiH g. Igor Stojanović

Potpredsjednik Federacije BiH g. Refik Lendo

Ul. Musala br. 9

71000 Sarajevo

Vlada Federacije Bosne i Hercegovine

Premijer Federacije i zamjenici premijera (x3)

Ul. Hamdije Čemerlića br. 2

71000 Sarajevo

**PREDMET: APEL ZA SPREČAVANJE UNIŠTAVANJA VATROGASNE
DJELATNOSTI U FEDERACIJI BIH**

VEZA: Prijedlog Zakona o izmjenama zakona o zaštiti od požara i vatrogastvu po hitnom postupku, utvrđen od Vlade Federacije BiH na 50. sjednici održanoj 13.03.2025. godine

Poštovani,

U nadi da ćete u skladu sa svojim ovlaštenjima spriječiti pokušaj uništavanja vatrogasne djelatnosti i statusa vatrogasca u Federaciji Bosne i Hercegovine, Sindikat Profesionalne vatrogasne brigade Kantona Sarajevo upućuje apel za neusvajanje Prijedloga Zakona o izmjenama zakona o zaštiti od požara i vatrogastvu po hitnom postupku, utvrđenog od Vlade Federacije BiH na 50. sjednici održanoj 13.03.2025. godine.

Naime, Predviđenim Prijedlom Zakona se brišu članovi 112. i 114. Zakona o zaštiti od požara i vatrogastvu kojima je propisana naknada za vrijeme pasivnog dežurstva i naknada dodatka na plaću vatrogascima i licima u profesionalnim vatrogasnim jedinicima, čime se u potpunosti poništavaju prava po osnovu posebnih uslova rada, težine i prirode posla i odgovornosti za obavljanje operativnih poslova. Navedeno je da se Prijedlog Zakona donosi zbog presuda Ustavnog suda Federacije BiH kojima su predmetni članovi Zakona proglašeni neustavnim iz razloga što se federalnim zakonom ne mogu nametati obaveze nižim nivoima vlasti, a da se ne osiguraju finansijska sredstva.

U vezi sa tim, Sindikat PVB KS ističe da je brisanje predmetnih članova u potpunosti neprihvatljivo, te da će dovesti do ozbiljnih štetnih posljedica u radu profesionalnih vatrogasnih jedinica čime će se direktno ugroziti životi ljudi i materijalna dobra u Federaciji Bosne i Hercegovine, kao i to da je potrebno usvojiti prijedlog zakona o izmjenama predmetnog zakona koji će ispoštovati presude Ustavnog suda Federacije BiH na način da se ne nameće obaveza utvrđivanja i isplate naknada nižim organima vlasti ako isti nemaju dovoljno finansijskih sredstava da obezbijede naknade u vatrogasnoj djelatnosti, ali da ostanu propisana navedena prava naknada i dodatka na plaću za vatrogasce i druga lica po osnovu posebnih uslova rada, težine i prirode posla i odgovornosti za obavljanje operativnih poslova za niže nivoe vlasti odnosno da niži organi vlasti kojima imaju dovoljno finansijskih sredstava mogu utvrditi naknade po već propisanim pravima federalnog zakona kao *lex specialis*.

Sindikat PVB KS je pripremio određeni suštinski prijedlog amandmana sa obrazloženjem koji Vam dostavlja u prilogu.

Također, Sindikat PVB KS posebno ističe da je negativno iznenađen postupanjem Federalne uprave civilne zaštite kao krovne institucije u Federaciji BiH u oblasti zaštite od požara i vatrogastva odnosno zaštite i spašavanja ljudi i materijalnih dobara koja bi trebala da doprinosi napretku i razumije suštinu, izazove, probleme i svakodnevne opasnosti u vatrogasnoj djelatnosti umjesto što učešćem u pripremama ovakvog Prijedloga Zakona direktno uništava profesionalnu vatrogasnu djelatnost u Federaciji BiH i obespravljuje vatrogasce.

S poštovanjem.

Prilog: Kao u tekstu.

AMANDMAN I

Član 1.

(Izmjena člana 112.)

Član 112. Zakona o zaštiti od požara i vatrogastvu ("Službene novine Federacije BiH", broj: 64/09) mijenja se i glasi:

"Član 112.

- (1) Za vrijeme provedeno na pasivnom dežurstvu (pripravnost za rad), starješini vatrogasne jedinice i vatrogascu ili drugom licu, pripada do 15% naknade za svaki sat pasivnog dežurstva.
- (2) Evidenciju o vremenu pasivnog dežurstvu iz stava (1) ovog člana, dužan je voditi starješina profesionalne vatrogasne jedinice.
- (3) Procentualni iznos uvećanja odnosno dodatka na plaću iz. st. (1) i (2) ovog člana utvrđuje organ uprave civilne zaštite Federacije, kantona, općine i grada u skladu sa svojim objektivnim finansijskim/budžetskim kapacitetima.
- (4) U slučaju nepostojanja objektivnih finansijskih/budžetskih kapaciteta za obezbjeđenje naknade iz stava (1) ovog člana, organ uprave civilne zaštite Federacije, kantona, općine i grada nema obavezu za utvrđivanje istih."

Član 2.

(Izmjena člana 114.)

Član 114. mijenja se i glasi:

"Član 114.

- (1) Zbog posebnih uslova rada, težine i prirode posla i odgovornosti za obavljanje poslova vatrogastva iz člana 68. ovog zakona, visina sredstava za plaće straješine profesionalne vatrogasne jedinice, njihove zamjenike i vatrogasce u profesionalnoj vatrogasnoj jedinici organa uprave civilne zaštite Federacije, kantona, općine i grada, kao i za inspektore iz člana 146. stav (1), člana 148. stav (1) i člana 151. stav (3) ovog zakona, određuju se kao za državne službenike i namještenike, uvećana do 30%, a ostali službenici i namještenici na poslovima u profesionalnim vatrogasnim jedinicama imaju dodatak na plaću do 20%.
- (2) Radna mjesta iz stava (1) ovog člana za koja pripada uvećenje plaće do 30% odnosno do 20%, utvrđuju se u pravilniku o plaćama i naknadama organa uprave civilne zaštite Federacije, kantona, općine i grada, a prema radnim mjestima koja su za profesionalnu vatrogasnu jedinicu utvrđena u pravilniku o unutrašnjoj organizaciji tih organa.
- (3) Procentualni iznos uvećanja odnosno dodatka na plaću iz. st. (1) i (2) ovog člana utvrđuje organ uprave civilne zaštite Federacije, kantona, općine i grada u skladu sa svojim objektivnim finansijskim/budžetskim kapacitetima.
- (4) U slučaju nepostojanja objektivnih finansijskih/budžetskih kapaciteta za obezbjeđenje uvećanja odnosno dodatka na platu, organ uprave civilne zaštite Federacije, kantona, općine i grada nema obavezu za utvrđivanje istih."

Obrazloženje:

Amandmanom I izvršena je izmjena članova 112. i 114. Zakona o zaštiti od požara i vatrogastvu zbog presuda Ustavnog suda Federacije BiH, a sve kako bi se provele presude istog.

Presudama Ustavnog suda Federacije BiH, članovi 112. i 114. Zakona su proglašene neustavnim iz razloga što se federalnim zakonom ne mogu nametati obaveze nižim nivoima vlasti, a da se ne osiguraju finansijska sredstva.

Odredbom člana 3. definiše se stupanje na snagu Zakona, u kojem se vrši se dopuna člana 112. i 114. Zakona, čijom odredbom je utvrđeno pravo na naknadu za vrijeme pasivnog dežurstva starješini vatrogasne jedinice i vatrogascu ili drugom licu i propisanog dodatka na plaću po osnovu posebnih uslova rada u iznosu do 30% od osnovne plate za vatrogasce.

Stavovima (3) i (4) se ovlašćuje organ uprave civilne zaštite jedinice lokalne samouprave da u skladu sa svojim objektivnim finansijskim/budžetskim kapacitetima same određuju visinu naknade predviđene u članovima 112. i 114. Zakona, odnosno izbjegava se nametanje troškova viših organa vlasti nižim nivoima vlasti, a da se za to nisu obezbijedila predviđena finansijska sredstva, tako da je presuda Ustavnog suda ispoštovana, a poseban dodatak na plaću po osnovu posebnih uslova rada, težine i prirode posla i odgovornosti za obavljanje operativnih poslova starješinama, zamjenicima starješina i vatrogascima u profesionalnoj vatrogasnoj jedinici organa uprave civilne zaštite Federacije BiH, kantona, općine i grada ostaju definisani u Zakonu.

Ističe se da pripadnici vatrogasnih jedinica imaju status državnog službenika ili namještenika, te su shodno tome svrstani u platne razrede predviđene važećim drugim propisima kao svi drugi državni službenici i namještenici u raznim organima uprave koji ne obavljaju ovakvu vrstu poslova u FBiH i ukoliko bi se ukinuo član 114. Zakona, vatrogascima bi se smanjila plaća za 30%, što se ne smije dozvoliti s obzirom na to da vatrogasci obavljaju poslove pod posebnim uslovima rada.

Predložena izmjena čl. 112. i 114. je potpuno u skladu sa presudama Ustavnog suda, odnosno izbjegava se nametanje obaveza ako ovlašteni organi nisu u mogućnosti zbog finansijskih sredstava obezbijediti dodatak, ali ostaje i mogućnost za određivanje dodatka za one organe koji mogu obezbijediti finansijska sredstva.